

Siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Meeqqanut akilersuutitut akiitsunik akiliisitsiniartarneq pillugit ajornartorsiut Naalakkersuinikkut Ataqtigiiissaarisartut ulloq 25. september 2018-imi ataatsimiinnerminni oqallisigaat. Tamanna tunngavigalugu suliniuteqartussamik pilersitsitsisoqarpoq, ajornartorsiutip qanoq annertutigineranik qulaajaasussa. Tassunga atatillugu kommuninit paasissutissanik Naatsorsueqqissaartarfik aqutigalugu pissarsisoqarpoq.

Paasissutissanik pissarsiarineqartuni misissueqqissaarnerup takutippaa, aningaasarsiaakitsuni ajornartorsiut annerpaasoq. Taamaattumik tamanna tunngavigalugu aningaasarsiat aallaavigalugit akilersueriaatsimik nutaamik suliaqartoqarpoq, taamaasilluni akilersuisussaataasut amerlanngitsunik aningaasarsiallit, kommunip siumoortumik akilersuutitut pisussaataasumut aningaasat tunniunneqartartut, ilaannaanik ikinnerusunik akiliisalersillugit, aningaasallu sinneri pisortanit akilernerqartalerlutik. Akilersueriaaseq allannguutissatut siunnersuummi piviusunngortinneqassaaq meeqqanut akilersuutit il.il. kiisalu meeravissiarterni tapiissutit tunniunneqartarneri pillugit Inatsisartut peqqussutaanni aalajangersakkamik nutaamik ikkussinermi.

Naatsorsuutigineqarpoq tamassuma meeqqanut akilersuutit akilernerqartanninnerat tunngavigalugu pisortanut akiitsut annertusiartornerat minnerulersissagaa tamatumunngalu aningaasarsianik ilanngaassiarnerup atorneqarnera killeqalissasoq taamaasilluni suliinnarnissamut kaammattuutaalerluni.

2. Siunnersuummi immikkoortut pingaarnerit

Akilersueriaatsip nutaap siunnersuummi piviusunngortinneqartussap meeqqanut akilersuutit akilernerqartanninnerat tunngavigalugu pisortanut akiitsut annertusiartornerat minnerulersinnissat siunertaraa.

2.1. Ullumikkut inissisimaneq

Angajoqqaat meeqqatik pilersussallugit pisussaaffeqarput. Tamanna aamma atuuppoq angajoqqaamut meeqqaminik najugaqateqanngitsumut. Meeqqanut akilersuutit tassapput aningaasat angajoqqaap meeqqaminik najugaqateqanngitsup angajoqqaamut meeqqaminik najugaqateqartumut akiligassai.

Meeqqanut akilersuutit il.il. kiisalu meeravissiarterni tapiissutit tunniunneqartarneri pillugit Inatsisartut peqqussutaat malillugu akilersuutitut pisussaataasumut piumasaqaatit aalajangersimasut atuutsillugit meeqqanut akilersuutit kommunimit angerlarsimaffianit siumoortumik tunniunneqarsinnaapput. Taamaalisqaatillugu akilersuutitut pisinnaatitaasup akilersuutitut akilersuisussaataasumut piumasaqaataa kommunip akiliisitsiniarterni pisinnaatitaaffigilissavaa. Taamaattoq kommunit akilersuutit nalinginnaasut kisimik tunniussinnaavaat.

Meeqqanut akilersuutitut akiitsut ukiut ingerlanerini amerliartorsimapput pisortanullu akiitsut katinneranni 30 procentit qaangeqqallugit. 1. februar 2020 meeqqanut akilersuutitut kommunit akiligaannit aningaasat pisassa 413 mio. kr. missaanniipput.

2019-imi akiligassallit katillugit amerlassusaat innuttaasunut 4.626-nut naatsorsorneqarput, meeqqanut akilersuutininik akiligassaqtartut. Akiligassallit kisiisa isigigaanni 2020-mi inuit 1.982-it meeqqanut akilersuutininik akiligassaqtartut – Kommune Kujalleq naatsorsuutininik ilaangilaq, taamaattumillu amerlassusaat annertunerussalluni. Innuttaasut 1.354-it imaluunniit akiligassallit 68%-i 300.000 kr. ataallugit aningaasarsiaqartuupput, takuuk takussutissiaq ataaniittoq:

Akiitsut	Aningaasarsiat akileraaruteqaataasussat								Hovedtotal
	<0	0-99999	100000-199999	200000-299999	300000-399999	400000-499999	500000-600000	>600000	
1-6001	8	53	51	36	27	18	7	14	214
6001-12001	31	198	199	179	120	83	28	50	888
12001-18001	10	50	70	34	28	27	8	21	248
18001-24001	9	67	74	49	45	23	17	10	294
24001-30001	3	23	30	17	20	11	5	3	112
30001-36001	4	25	24	22	16	7	1	6	105
>36001	4	29	30	25	14	10	5	4	121
Hovedtotal	69	445	478	362	270	179	71	108	1982

Kilde:

Innuttaasut aningaasarsiaakitsut akiliisinnaaneq ajorput imaanngitsorlu akileeqqusissutinik akiliiumanngitsut.

2.2 Aningaasarsiat aallaavigalugit akilersueriaaseq nutaaq

Takussutissiami qulaani takuneqarsinnaasutut inuit aningaasarsiaqqortuunut naleqqiullugit aningaasarsiaakitsut amerlapput meeqqanullu akilersuutit pillugit pisortanut akiitsunik annertusiartortitsisut.


Piviusoq tamanna tunngavigalugu kiisalu inuit aningaasarsiaakitsuaqqat akornanni amerlanersaat akiliinissamut pisinnaanngitsuusut taamaattumillu meeqqanut akilersuutit nalinginnaasut amerlassusaat maannakkut atuuttunut aningaasartuutit akilersinnaanngikkaat nassuerutigisariaqarpoq.

Tamanna tunngavigalugu akilersueriaaseq suliarineqarpoq, akilersuutininik akilersuisussaataasup meeqqanut akilersuutit siumoortumik tunniunneqartartut akilersuisarnera aningaasarsiai aallaavigalugit pisassasoq, taamaasilluni akilersuutininik pisussaataasumut kommunip siumoortumik tunniuttagaanik akilersuutininik akilersuisussaataasooq taamaallaat ikinnerusunik akiliisalerluni, akiligassallu sinneri pisortanit akilerneqartalissasut.

Siunnersuummi siunnersuutigineqarpoq, meeqqanut akilersuutit minnerpaamik qaammammut 200 kr. akilerneqartarnissaat, ukiumut aningaasarsiat 100.000 kr.-iutillugit, qaammammullu 1.000 kr.-it tungaannut qaffakkiartuaartillugu ukiumut aningaasarsiat 300.000 kr. anguneqarnissaata tungaannut. Minnerpaamik akilersuutissap annertussusaa aalajangerneqarneranut tunngaviuvoq minnerpaatut akiligassat annertussusaat inuit tamarmik akilersinnaagaat.

Akilersueriaasissami tunngavigineqarpoq aningaasarsiat 100.000 kr. qaangerpagit qaffakkiartuaartinneqassasoq, taamaasilluni aningaasarsiat 100.000 kr. qaangerpagit 4,8 %-imik qaffaasoqartassalluni, qaammammut minnerpaamik meeqqanut akilersuutininik akiligassat

annertussusaat 1.000 kr. nallerpagu, taakkulu tamakkiisumik annertussusaalluni aningaasarsiat katillugit 300.000 kr.-inik annertussuseqartillugit.



3. Pisortanut aningaasaqarnikkut allaffissornikkullu kingunissai

Siunnersuut kinguneqassaaq innuttaasut akiliinissaminut pisinnaangitsut akileeqqusissummik pissutsinut piviusunut tulluuttumik piumaffigineqartalernissaat. Ullumikkut innuttaasut aningaasarsiakitsut aningaasarsiaannut naleqqiullugu akileeqqusissummik annertuvallaartumik piumaffigineqartarput. Taamaattumik innuttaasut amerlasuut meeqqanut akilersuutit akilernissaannut pisinnaangillat, tamannalu meeqqanut akilersuutit pillugit akiitsut amerliartornerannik kinguneqarpoq. Taamaattumik akiitsut innuttaasunut taakkununga akileeqqunissaat piviusorsiuunngitsutut naliliiffigineqarpoq.

Ukiumut aningaasarsiat	Ataall. 100.000	150.000	200.000	250.000	300.000
Qaamammut	200 kr.	400 kr.	600 kr.	800 kr.	1.000 kr.
Siornatigumut annertuss.	20 %	40 %	60 %	80 %	100 %
Isertitat annaasat	-3.478.362	-1.769.508	-1.022.358	-452.284	-136.336

Isertitassat annaaneqartut ukiumut katillugit -6.858.848 kr.-iupput. Kommune Kujalleq naatsorsuutitut ilaangilaq, Kommune Kujalleq ilimagineqarpoq Kommune Qeqertaliup amerlaqataanik aningaasartuuteqartoq, kommunit inuttussusaat assigiimmata. Aningaasartuutit saniatigut 1 mio. kr. missaannut naatsorsorneqarput, tamatumalu kinguneraa isertitassat annaaneqartut 7,8 mio. kr.-inut naatsorsorneqarnerat.

Innuttaasunut aningaasarsiakitsunut meeqqanut akilersuutaat millineratigut, aningaasarsiakitsut maannakkut akiliinissamut pisinnaangussapput, naatsorsuutigisariaqarporlu meeqqanut akilersuutit amerlanerusunit akilerneqartalernissaat. Meeqqanut akilersuutit akilerneqartalerpata, innuttaasut ikinnerusut akiitsoqartalissapput. Akiitsut ikilisinneqarpata, akissarsianit ilanngaassisarneq atorineqassanngilaq, tamannalu innuttaasut ataasiakkaat sulerusussuseqarneranut kajumissaataasinnaavoq.

Akiitsunik akilersuinerup sunniutai eqqortut pillugit akissarsianillu ilanngaassisarneq sulisussarsiornermut qanoq issanersoq kisitsisinngortitsineq annertuumik qularnartoqarpoq. Naliliiffigineqarpoq isertitassat annaaneqartut aningaasartuutinit 33%-iinik annikillisinneqassasut. Tamanna tunngavigalugu isertitassat annaasaviit -5.200.000 kr.-inut naliliiffigineqarpoq.

Taamaattumik innuttaasunut aningaasarsiakitsunut tunngatillugu meeqqanut akilersuutininik aaqqiineq kommunit isertitaannik annikillisisisoq malugineqassaaq. Innuttaasut taakkua ukiuni amerlasuuni akiitsunik annertusiartuinnartitsisimapput meeqqanullu akilersuutininik aaqqiinnermi kommunit akileeqqusissutininik akilerneqanngitsunut tunngatillugu annaasaat ikinnerulissapput. Taamaattumik innuttaasut akiinissamut pisinnaanngitsut eqqarsaatigalugit kommuninut aningaasaqarnikkut kingunissai annikitsuinnaassapput, taamaattumillu aaqqiineq kommunit aningaasaqarnikkut kingunissaanik soqassanngilaq. Aningaasarsiat aallaavigalugit meeqqanut akilersuutininik aaqqiineq isigineqartariaqassaaq innuttaasut aningaasarsiakitsut akilersinnaanngisaminnik akiitsoqalernissaannut inissisimanermit pisinnginnissaannut nuussinertut.

4. Inuussutissarsiornermut aningaasaqarnikkut allaffissornikkullu kingunissai

Inuussutissarsiornermut aningaasaqarnikkut allaffissornikkullu kingunissaanik soqanngilaq.

5. Avatangiisinut, pinngortitamut inuiaqatigiillu peqqissusaannut kingunissai

Avatangiisinut, pinngortitamut inuiaqatigiillu peqqissusaannut siunnersuutip kingunissaanik soqanngilaq.

6. Innuttaasunut kingunissai

Ukiuni arlaqartuni pisortanut akiitsut qaffakkiartorput, ingammik meeqqanut akilersuutininik kommunit aningaasanik pisassai annertunerpaallutik. Ulloq 1. februar 2020 killiffigalugu meeqqanut akilersuutininik 413 mio. kr.-it miss. tunniussisoqarpoq. Akiitsut 60%-iisa miss. innuttaasunut 0-imiit 100.000 kr.-inik aningaasarsiaqartunut tunngassuteqarput akiitsoqartullu 22%-ii 100.001-imiit 200.000 kr.-inik aningaasarsiaqartuullutik. Taamaattumik akiitsoqartut aningaasarsiakitsuupput taannalu meeqqanut akilersuutit qaammammut 1.000 kr. akilersinnaannginnerannut ersiutaavoq. Innuttaasut taakku pisortanut allanik akiitsoqakkajuttarput, kisianni meeqqanut akilersuutininik akiitsuni amerlanersaallutik. Akiitsut qaffakkaluttuinnartut akilersornissaanut pisinnaanngitsoq innuttaasumut kinguneqartarpoq. Taamaattumik innuttaasup akiitsui qaffakkaluttuinnartut innuttaasoq nikinnaveersittarpaat inissisimanermini tamaat isigisaqarsinnaajunnaartillugu.

Meeqqanut akilersuutit aningaasarsiat aallaavigalugit akilersueriaatsimut allanngortinneratigut, innuttaasup aningaasarsiakitsup meeqqanut akilersuutit amerlassusaat aalajangerneqartoq misigissavaa, taakkulu piviusorsiortumik akilerneqarsinnaasut. Taamaattumik innuttaasup aningaasarsiakitsup nammineq naleqarnerulerluni misigissavaa meeqqanut akilersuutit akilersinnaagamigit inuunerminilu akiitsut qaffasissut pillugit artorsaatiginagit inissisimalissalluni.

Innuttaasoq meeqqanut akilersuutininik akiitsoqarpat akissarsiatigut ilanngaassisoqarsinnaavoq. Taamaalluni innuttaasoq suliffissarsiorinissamut kajumissuseqassanngilaq. Meeqqanut akilersuutit amerlassusaat aningaasarsiakitsumit akilerneqarsinnaasunngorlugu inissikkaanni, sulinissamut kajumissuseqarnerulersitsissaaq, innuttaasormi tulliani akissarsileruni ilanngaatsinnaviannnginnami. Kingunerisinnaasai tassaapput sulisussaqaarnerup annertusinera.

7. Allanut pingaarutilinnut kingunissai

Allanut pingaarutilinnut siunnersuutip kingunissaanik naatsorsuuteqartoqanngilaq.

8. Tusarniaaneq

Siunnersuut piffissami 17. oktobari 2022-miit 11. novembari 2022-mut tamanut tusarniaassutigineqarpoq uani www.naalakkersuisut.gl.

Siunnersuut piffissami 17. oktobari 2022-miit 11. novembari 2022-mut tusarniaassutigineqarpoq ukununnga:

Siunnersuummi aalajangersakkanut ataasiakkaanut oqaaseqaatit**§ 1-imut****Imm. 1-imut**

Aalajangersakkap aalajangerpaa, pisortat qinnuteqartoqarneratigut meeqqanut akilersuutit siumoortumik pisussaataitaasumut toqqaannartumik tunniussisoqarpat, tak. § 4, kommuni siumoortumik tunniussisoq akilersuisussaataitaasumut akiliisitsiniarnissamut pisinnaatitaallissasoq.

Tamanna aamma atuuppoq, meeraq angerlarsimaffiup avataanut pisortanit inissinneqarpat, pisortanilluunniit tamakkiisumik pilersorneqarpat.

Meeqqat tapersersorneqarnissaannut Inatsisartut inatsisaat naapertorlugu meeraq angerlarsimaffiup avataanut inissinneqarpat, meeqqanut akilersuutit pillugit kommuni akiliisitsiniarnissamut pisinnaatitaallissaaq, siornatigut akilersuisussaasumik aalajangiisoqarnerata kingunerisaanik.

Imm. 2-mut

Aalajangersakkap pisussaaffilerpaa kommunalbestyrelsi siumoortumik tunniussisoq, akilersuisussaataitaasumut nalunaarummik nassiussissasoq, pisortat meeqqanut akilersuutit siumoortumik tunniunneqarneri aamma pisortat meeqqanut akilersuutit akilersinnianeqarnissaannut pisinnaatitaallernerit pillugit.

Aalajangersakkap siunertaraa, tunniussineq pillugu akilersuisussaataitaasup akeryliliinissaanut periarfissinneqarnissaa, kiisalu akilersuutini akilersuisussaataitaasup ilisimatissallugu, meeqqanut akilersuutinit tunngatillugu illuatungeriit aalajangiisinnaajunnaarmata.

Imm. 3-mut

Aalajangersakkap aalajangerpaa meeqqat tapersersorneqarnissaannut Inatsisartut inatsisaat naapertorlugu, meeraq angerlarsimaffiup avataanut inissinneqarnera pisortanilluunniit tamakkiisumik pilersorneqarnera pissutigalugu kommuni akilersuutini akiliisitsiniarnissamut pisinnaatitaallersup pillugu akilersuutini akilersuisussaataitaasumut pisinnaatitaasumullu allakkatigut ilisimatinneqassasut.

Imm. 4-mut

Aalajangersakkap aalajangerpaa, kommuni akilersuutini siumoortumik tunniussisimappat, tak. § 4, kommunip ataatsip meeqqanut akilersuutini akilersuisussaataitaasumut akilertinniarlugit piumasaqarnissaanut aningaasat amerlassusissaat.

Akilersuutini akilersuisussaataitaasup 100.000 kr. ataallugit maannakkorpiaq aningaasarsiaqarpat, kommuni taamaallaat ukiumut 2.400 kr.-inik, qaammammut 200 kr.-inik akiliisitsiniarsinnaavoq.

Akilersuutini akilersuisussaataitaasup 100.000 kr. sinnerlugit maannakkorpiaq aningaasarsiaqarpat, aningaasat 200 kr. kommunip akilersuutini akilersuisussaataitaasumut akileqqusinnaasaata 100.000 kr.-it sinnerlugit maannakkorpiaq aningaasarsiaanit 4,8 %-imik qaffanneqassapput.

Akilersuutit amerlassusaat 100.000 kr. sinnerlugit aningaasarsiaqarnermi naatsorsorneqartassapput kisitseriaaseq ataaniittoq malillugu imatut:

200 kr. + (maannakkorpiag aningaasarsiat – 100.000 kr. x 0.048%) = aningaasarsiat malillugit akilersuutit.

§ 5 naapertorlugu nalinginnaasumik amerlassutsit aningaasanit akilersinniakkanit qaangerneqarsinnaanngillat.

Imm. 5-imut

Aalajangersakkap aalajangerpaa, imm. 4 naapertorlugu procenti aaqqissutissaq aamma maannakkorpiag aningaasarsiat pillugit Inatsisartut inatsisaat naapertorlugu amerlassutsit ukiumut angissusilerneqartassasut. Tamatuma kingorna angissusiliinerit Isumaginninnermut, Sulisoqarnermut Nunamilu Namminermut Naalakkersuisoqarfimmi pisortanit ikiorsiissutit pillugit kaajallaasitami ataavartumik atuuttumi tamanut saqqummiunneqartassapput.

Imm. 6-imut

Aalajangersakkap aalajangerpaa, kommuni akilersuutininik akiliisitsiniarnissamut pisinnaatitaaffeqalerpat, tak. imm.1, taamatut pisinnaatitaaffik suliaassap pisoqalisoorinnaaneranut ukiut 20-t qaangiunneranni nalinginnaasumik pisoqalisoorinnaaneq pillugu malittarisassat atuutissapput. Aalajangersagaq ilanngunneqarpoq, kommuni siumoortumik meeqqanut akilersuutininik tunniussinerata kingunerisaanik qaqugu akiliisitsiniarneq pisoqalisoorisimanersoq pillugu nassuiaanermit nalornisoortoqarnissaa ingalassimatinniarlugu.

§ 2-mut

Aalajangersakkap aalajangerpaa, Inatsisartut inatsisaat atuutilissasoq ulloq 1. juuli 2023.

Ilannugsaq 1

Inatsisissatut siunnersuut inatsisinut atuuttunut naleqqiullugu	
<i>Oqaasertalersugaanera atuuttoq</i>	<i>Inatsisissatut siunnersuut</i>
§ 1	§ 1 Meeqqanut akilersuutit il.il. kiisalu meeravissiartaarnermi tapiissutit tunniunneqartarneri pillugit Inatsisartut peqqussutaata nr. 2, 3. marts 1994-imeersup allanngortinneqarneranik meeqqanut akilersuutit il.il. kiisalu meeravissiartaarnermi tapiissutit pillugit Inatsisartut peqqussutaanni nr. 3, 12. juni 1995-meersumi makku allannguutigitinneqassapput:
” § 17. Akilersuutit siumoortumik tunniunneqarpata kommuni siumoortumik tunniussisimasoq akilersuisussaatitaasumik akiliisitsiniarnissaminut pisinnaatitaallisaaq. Taamatuttaaq pisoqassaaq meeraq angerlarsimaffiup avataanut inissinneqarpat, imaluunniit meeraq pisortanit tamakkiisumik pilersorneqarpat. <i>Imm. 2.</i> Akilersuutit siumoortumik tunniunneqarnerini tunniussinnermut peqatigitillugu akilersuisussaatitaasoq tunniussineq pillugu allakkatigut ilisimatinneqassaaq, aammattaarlu ilisimatinneqarluni akilersuutit akilerneqartussanngortut kommunimut akilerneqassasut. <i>Imm. 3.</i> Meeqqap angerlarsimaffiup avataanut inissinneqarnera pisortanilluunniit tamakkiisumik pilersorneqarnera pissutigalugu kommuni akilersuutininik akiliisitsiniarnissanut pisinnaatitaalerpat akilersuutininik pisinnaatitaasoq aamma akilersuisussaatitaasoq tamanna pillugu allakkatigut ilisimatinneqassapput. <i>Imm. 4.</i> Kommuni akilersuutininik akiliisitsiniarnissamut pisinnaatitaaffeqalerpat taamatut pisinnaatitaaffik suliaasap pisoqalisoorinnaanera eqqarsaatigalugu ukiut 20-t qaangiunneranni nalinginnaasumik pisoqalisoorinnaaneq pillugu malittaarisassat atuutissapput.	1. § 17 imatut oqaasertalerneqassaaq: ” § 17. Akilersuutit siumoortumik tunniunneqarpata kommuni siumoortumik tunniussisimasoq akilersuisussaatitaasumik akiliisitsiniarnissaminut pisinnaatitaallisaaq, taamaattorli tak. imm. 4. Taamatuttaaq pisoqassaaq meeraq angerlarsimaffiup avataanut inissinneqarpat, imaluunniit meeraq pisortanit tamakkiisumik pilersorneqarpat. <i>Imm. 2.</i> Akilersuutit siumoortumik tunniunneqarnerini tunniussinnermut peqatigitillugu akilersuisussaatitaasoq tunniussineq pillugu allakkatigut ilisimatinneqassaaq, aammattaarlu ilisimatinneqarluni akilersuutit akilerneqartussanngortut, taamaattorli tak. imm. 4, kommunimut akilerneqassasut. <i>Imm. 3.</i> Meeqqap angerlarsimaffiup avataanut inissinneqarnera pisortanilluunniit tamakkiisumik pilersorneqarnera pissutigalugu kommuni akilersuutininik akiliisitsiniarnissanut pisinnaatitaalerpat akilersuutininik pisinnaatitaasoq aamma akilersuisussaatitaasoq tamanna pillugu allakkatigut ilisimatinneqassapput. <i>Imm. 4.</i> 100.000 kr. (2023 qaffasissuseq) imaluunniit qaangerlugit 2.400 kr. (2023 qaffasissuseq), tak. nr. 1, maannakkorpiaq aningaasarsiat 100.000 kr.-init qaangiinnerup 4,8 procentiinik qaffanneqassapput (2023 qaffasissuseq). Taamaattoq nalinginnaasumik amerlassutsit, tak. § 5, aningaasanit akilersinniarlugit piumasaqaatinut qaangerneqarsinnaanngillat.

	<i>Imm. 5.</i> Imm. 4-mi amerlassutsit, procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat nr. 9, 1. juni 2017-imeersoq naapertorlugu ukiumoortumik angissusilerneqartassapput. <i>Imm. 6.</i> Kommuni akilersuutininik akiliisitsiniarnissamut pisinnaatitaaffeqalerpat taamatut pisinnaatitaaffik suliasap pisoqalisoorsinnaanera eqqarsaatigalugu ukiut 20-t qaangiunneranni nalinginnaasumik pisoqalisoorsinnaaneq pillugu malittaarisassat atuutissapput.”
	§ 2 Inatsisartut inatsisaat atuutilissaaq ulloq 1. juuli 2023.